



**PETUNJUK PELAKSANAAN  
PASAL  
RUHUT PAMINSANGON I GKPS**

**PETUNJUK PELAKSANAAN  
PASAL  
RUHUT PAMINSANGON I GKPS**

**PARLOBEINI**

1. Bani Sinode Bolon GKPS ke-32 Tahun 1994, domma itotaphon Peraturan Siasat Gereja di GKPS, na igoran RUHUT PAMINSANGON DI GKPS, ai ma marhitei Ketetapan Sinode Bolon GKPS No. 5/1 Tahun 1994. Lanjar iputushon ma homa lang be pakeian Ruhut Paminsangon na lama, na iaturhonni Keputusan Pimpinan Pusat GKPS No. 904/1-78.
2. Ruhut Paminsangon na baru in ma sipakeion mamungkah humbani tanggal 1 Januari 1995.
3. Halani ai, laho pauraikon mandalanhon na iaturhon ni Peraturan in, anjaha ase dos pangarusion, nabahen do Petunjuk Pelaksanaan on.

**PARMAHANION MARHITEI PAMINSANGION**

1. Tugas anjaha tanggungjawab ni Gereja *do* “*memimpin, membimbing dan membina Jemaat berdasarkan Firman Allah serta melaksanakan Siasat Gereja*” (Tata Gereja, Pasal 7). Halani ai:
  - a. Horja parmahanion do na padalanhon Ruhut Paminsangon, aima “*agar gereja mempunyai pedoman melaksanakan pengembalaan anggota*” (Pasal 2).
  - b. Tujuan Ruhut Paminsangon aima ase lambin ibotoh pagori in tugas pakon tanggungjawabni selaku warga gereja, ibotoh homa najahanin panlanggaron, gendo marhitei sonai lambin iparomban goluhni hubani Hata ni Naibata (Pasal 3).
2. Romban hu bani horja parmahanion in ma “*Majelis Jemaat wajib mengawasi perilaku kehidupan anggota*”. Horja ni ganup Parhorja (Anggota Majelis Jemaat) do mardiateihon parlahou ni pagori in, mambere sipasingat atap podah marhitei na ipardua-duahon (dengan empat mata) hu bani na manlahoi panlanggaron, anjaha patugahkon hu bani Pimpinan Majelis Jemaat anggo lang tarpodahi be (Pasal 7) ayat (1) pakon (2).
3. Age pagori (Anggota Sidi) pe, wajib do homa mardiateihon (*mengamati*) pargoluhon ni samah pagori (Pasal 7 ayat (4)):
  - a. Maningon pasingatonni do anggo dong ididah panlanggaron ni pagori na ibagas tanggungjawabni, aima: bapa/inang sinrumahni, niombahni pakon sindohorni na tondok i rumahni.
  - b. Tapi anggo pagori samah sakuria na lang ibagas tanggungjawabni, maningon patugahonni do hubnai Pimpinan Majelis Jemaatm, anggo dong ididah sandiri panlanggaronni. Na mararti do homa ai, anggo seng ididah sandiri panlanggaronni in, lang wajib laporhononni hu bani Majelis Jemaat.
4. Maningon ma habenon parmahanion na khusus dompak pagori na sanggah hona paminsangion. Ai marhitei na itodoh Majelis Jemaat sahalak atap piga-piga Anggota Majelis Jemaat *memperhatikan, perikehidupannya agar pelanggaran tidak berulang*,

*serta membimbingnya agar menyesali dan meninggalkan perbuatan yang menjadikannya dikenakan siasat gereja (Pasal 13).*

5. Halani aima ase, sobali na *“Dikucilkan”* (ipadarat humbani keanggotaan Kuria), Anggota GKPS do tong na sanggah ibagas paminsangion:
  - a. Anggo ipahona paminsangion *“Dijadikan Anggota Siasat”*, gabe **Anggota Siasat** ma lobei ia, *“yang salah satu atau lebih haknya ditangguhkan”* pori Anggota Sidi hinan ia.
  - b. Anggota na **“Dikucilkan”** pe, anggo domma ijalo use mulak gabe Anggota Siasat songon nasinobut bani Pasal 14 ayat (6) hiraon ma use gabe Anggota, ai ma Anggota Siasat.
  - c. Tapi anggo *“Ditegur”* do ipahona paminsangionni, lang pala halani ai gabe Anggota Siasat ia; na mararti do ai, anggo Anggota Sidi hinan do ia, marlaku do tong bani aturan na patut bani Anggota Sidi.
6. Siparayakon do ase jumpah nasinurahonni parmahanion marhitei paminsangion in hubani keanggotaanni hinan (Anggota Sidi atap Baptis), dob idalani paminsangionni *“gabe Anggota Siasat”*. Age na hona paminsangion **“ipadarat hun Kuria”** (*dikucilkan*), boi do jaloon use mulak anggo dong pangindoanni, anjaha domma ibahen Majelis Jemaat panimbangion pasal tongonni uurni mulak hu Kuria. Tapi gabe **“Anggota Siasat”** ma lobei ia, irik itontuhon Majelis Jemaat syarat-syaratni ase boi ia holi use mulak gabe Anggota Sidi (Pasal 13 ayat (5) pakon ayat (6). Panjalonkon hubani na *“Dikucilkan”* in hinan mulak gabe Anggota Sidi, maningon ma homa ibahen paragendaon songon na dob iaturhon bani Liturgi GKPS (Pasal 14 ayat (7)).

## **PAHONAHON PAMINSANGION**

1. Na hona paminsangion (penyiasatan) aima Anggota GKPS na manghorjahon dousa ampa/atap marparlahou na manlanggar Hata ni Naibata pakon Peraturan GKPS (Pasal 4). Sipinsangon ma ia na manghorjahon panlanggaron in. Masamni panlanggaron in, aima:
  - a. Panlanggaron hubani ajaran (haporsayaon);
  - b. Panlanggaron hubani aturan pasal organisasi (gereja);
  - c. Panlanggaron hubani aturan Parhorja (Pelayan);
  - d. Panlanggaron hubani aturan pasal Perkawinan;
  - e. Parbangkison (Perzinahan);
  - f. Hajahaton (Kejahatan).
2. Halani bagei do masamni panlanggaron in anjaha marsiparahan, paminsangion (penyiasatan) pe lang tarpodas. Dong do na sungkup sibar **“ihata”** (*“ditegur”*), hansa. Deba nari maningon pahonahon ma paminsangion marhitei na ibahen ia **“gabe Anggota Siasat”** (*“Dijadikan Anggota Siasat”*). Deba homa maningon pahonaon ma pinsang-pinsang **“ipadarat hun Kuria”** (*“Dikucilkan”*) (Pasal 5).

3. Aima ase maningon pangkei do patangkason panlanggaron na ijahani ma na ihorjahon ai, anjaha paminsangion (sanksi) na sonaha do sipahonaon, romban hubani na iaturhon bani Pasal 15 das hu bani Pasal 20 Ruhut Paminsangion on.
4. Sanggah na ipahonahon paminsangion in romban hubani panlanggaron ni bei, irik ma homa itimbang i anjaha iputushon na niaturhon ni Pasal 13:
  - a. Piga dokah ase boi maluah humbani paminsangion/parmahanion in;
  - b. Aha hawajiban-hawajiban ronsi syarat-syarat na maningon gokanni;
  - c. Ise itodoh humbani Anggota Majelis Jemaat na mardiateihon ronsi mambahen parmahanion hubani na hona paminsangion in (sobali na “ipadarat hun Kuria”). Hunjin ma botohon piga dokah na hona paminsangion in ibagas parmahanion na khusus. Anggota ipatuduh do hamubahon ni parlahouni, anjaha saud igoki syarat na dob itontuhon hinan, maluah ma ia humbani paminsangion; tapi anggo lang taridah hamubahon, barang lang tarsuhunisi songon na na itontuhon hinan, sitimbangan do use panogu-noguon/paminsangion hubani:
    - a. Boi do marhitei ipaganjang panorang paminsangion (ampa parmahanion);
    - b. Boi do homa marhitei na itambah paminsangion bani, aima na “ihata” hinan gabe “Ibahren Jadi **Anggota Siasat**”, sonai homa “**Anggota Siasat**” hinan gabe “**Ipadarat hun Kuria**”.
5. Hansi pe domma tangkas panlanggaronni sasahalak, iaturhon do bai Pasal 6 (ayat 1) das hubani ayat (3), na marsintig (marbatas) do panorangni boi pahonaon paminsangion bani. Anggo sedo halani legan hinan iaturhon bani Peraturan GKPS, ganup panlanggaron na dob 6 (onom) bulan dokahni, lang boi be pareksaon, itimbang i atap ipahona paminsangion. Porini pe dong hinan iaturhon boi lobih humbani 6 (onom) bulan, gabe *daluwarsa* ma homa in dob honsi 5 (lima) tahun, anjaha hinorhonni ai, lang be boi pahonaon paminsangion; legan ma lobei anggo na manunut do ihorjahon panlanggaron ai. ase marsintig pe ibahren, ai ma ase ulang lalab ganggu uhur marhalnihon ni na son marhatantuan panorang paminsangion/parmahanion.
6. Panlanggaron halani tarpaksa, aima marhalanion *“membela diri atau orang lain”* atap pe marhalanionni na maningon mandalanion undang-undang barang *“perintah jabatan”* lang pahonaon paminsangion.
7. Sonai do homa, panlanggaron na ihorjahon sanggah *“sakit ingatan”* (podouan barang naborit na doskonni ai) **lang be** pahonaon paminsangion.
8. Tiap panlanggaron na dob onnga ipareksa anjaha itimbang i Majelis Jemaat, anjaha domma iputushon (manlanggar atap lang), lang boi be pareksaon, itimbang i atap ipahonahon paminsangion. Na mararti do ai tiap panlanggaron pitah sahali do hansa boi pareksaon anjaha itimbang i. Tapi sonai pe, anggo na iulakhon do use songon panlanggaron na dob onnga ipareksa hinan, sedo na sada panlanggaron goranni ai, halani ai boi ma pareksaon use.

## TATA CARA PADALANION PAMINSANGION

1. Hu bani Pimpinan Majelis Jemaatni do padason anggo dong panlanggaron ni pagori (Pasal 8), aima hu bani Pengantar Jemaat/Ketua Majelis Jemaat, atap hu bani Pimpinan Majelis Jemaat na legan nari: Wakil Pengantar Jemaat/Wakil Ketua, Sekretaris, barang Bendahara. Tapi boi do homa hu bani na tinodoh ni Pimpinan Majelis Jemaat. Dear ma se dob-dob hinan iputushon Pimpinan Majelis Jemaat anggo dong do na nitorohni na boi parpatugahan nidokan in. Boi do ai pamasukon hu bani parbagini horja (*pembagian tugas*) ni Majelis Jemaat, boi do homa Ketua Sektor itodoh.
2. Ganup anggota Majelis Jemaat na mambotoh dong panlanggaron ni pagori na boi boi pahonaon Ruhut Paminsangon, wajib padashon in hubani Pimpinan Majelis Jemaatni bei, atap pe hubani na tinodohni nongkan. Halani ai lang boi ipasip hansa. Pagori (*Anggota Sidi*) pe wajib do patugahkon hubani Pimpinan Majelis Jemaat anggo dong ididah sandiri panlanggaron ni samah pagori. Tapi maningon ma na nididahi sandiri; halani ai anggo sibar ibotoh do hansa halani dong na patugahkon (marturi-turian/tarsingat) lang wajib patugahon ni in hubani Pimpinan Majelis Jemaat; na mangidah sandiri ai ma ojuron patugahkon hu bani Pimpinan Majelis Jemaat; na mangidah sandiri aima ojuron patugahkon hubani Pimpinan Majelis Jemaat. Pimpinan Majelis Jemaat ni pagori na manghorjahon panlanggaron in do ianan parpatugahan nidokan ai; ai ma ase sedo hubani Pandita Resort atap hubani Pengurus Resort. Atap pe kepengurusan na legan nari.
3. Sonin das laporan hubani Pimpinan Majelis Jemaat, bahenon ni Pimpinan Majelis Jemaat ma lobei pamareksaan (*pemeriksaan pendahuluan*) atap na tongon ma dong panlanggaron na nilaporhon in. Anggo porlu, boi do itodoh Pimpinan Majelis Jemaat sahal atap pigapiga Anggota Majelis Jemaat padalanhon *Pemeriksaan Pendahuluan*, in tapi maningon hubani Pimpinan Majelis Jemaat na marsuhuruhsi ma padasonni hasil pemeriksaanni. Humbani hasil pemeriksaan pendahuluan Pimpinan Majelis Jemaat atap na dear ma boanonhonon in hu Sidang Majelis Jemaat atap na sungkup ma pitah iondoshon hubani sahalak Anggota Majelis Jemaat mambahen parmahanion, halani lang tangkas ope jumpah panlanggaronni in (Pasal 9). Domu hujin, maningon ma homa pangkei idalanhon na niaturhon ni Pasal 9 ayat (3). Ijin ihatahon, ia panlanggaron parbangkison (*perzinahan*) (aima na nisobut bani pasal 19 ayat (1), (3) pakon (4), pakon hajahaton (aima na sinobut bani Pasal 20), boi pinsangon anggo dong “*pengakuan dari yang bersangkutan dan atau keputusan pengadilan yang mempunyai kekuatan tetap*”. Aima ase sanggah mambahen permeriksaan pendahuluan pasal in, maningon ma dong pengakuannni humbani na manlanggar in, atap pe domma dong haputusan ni Pengadilan na manghatahon tongon ma marsalah panlanggar in. Paima dong sonai, lape tarpahona peminsangion. Domu hubani pangakuan, nidokan in, porlu ma homa pangkei itimbangi pangakuan parbangkison ase ulang sompat marhalanihon ni pangakuan in gabe hona paminsangion halak na legan. Ai ma ase anggo na marbangkis ai sandiri do manlaporhon na dob marbangkis ia pakon sasahalak, lang boi ai bahenon dalanni laho pahonahon paminsangion, tarloboh ma onga marhiteihon pangakuan ni ai gabe hona paminsangion hasomanni marbangkis ai.

4. Halani ai lang boi mintor boanhonon hu Sidang Majelis Jemaat, anggo lang palobei ibahen pemeriksaan pendahuluan. Tapi anggo domma tangkas ibotoh Pimpinan Majelis Jemaat na dob tongon dong panlanggaron na boi do pahonaon paminsangion, maningon ma boanhononni in hubani Sidang Majelis Jemaat, silambatanni ibagas sabulan, ase itimbangi anjaha itontuhon paminsangion sipahonaon, aima:
  - a. Aha horja/parlahou panlanggaronni.
  - b. Paminsangion na ijahani sipahonaon: **“Ihata”** (Ditegur), **“Ibahen gabe Anggota Siasat”** (*Dijadikan Anggota Siasat*), atap na **“Ipadarat hun Kuria”** (*Dikucilkan*).
  - c. Sadiha dokah ibagas paminsangion/parmahanion.
  - d. Aha hawajiban-hawajiban pakon syarat-syarat sidalanhonon ni na hona paminsangion in sadokah ibagas paminsangion/parmahanion nongkan.
  - e. Piga halak anjaha ise humbani Anggota Majelis Jemaat itodoh *“memperhatikan perikehidupannya agar pelanggaran tidak terulang”, “serta membimbingnya agar menyesali dan meninggalkan perbuatan yang menjadikannya dikenakan Siasat Gereja* (Pasal 10 pakon Pasal 13).
5. Siputushonon ni Majelis Jemaat do holi use atap na paluahon ma na hona paminsangion in humbani paminsangionni (Pasal 14), aima anggo:
  - a. Domma salpu pardokahni paminsangion na itontuhon hinan;
  - b. Domma idalanhon/igoki hawajiban-hawajiban ampa syarat-syarat na dob itontuhon hinan.

Bani na manontuhon in, palobei martugah-tugah ma Parhorja na tinodoh mardiateihon pakon marmahani na hona paminsangion in. Age na dob **“Ipadarat hun Kuria”** (*Dikucilkan*), boi do jaloon use **“gabe Anggota Siasat”** anggo domma manosal ia anjaha domma itadingkon panlanggaronnik hinan. Dob gabe Anggota Siasat ia, itodoh ma homa ise Parhorja na mardiateihon pakon marmahanisi marpiga-piga dokah on. Doh sonai pe holi use ase boi itimbangi use atap na boi ma ia mulak bani keanggotanni hinan (Anggota Sidi atap Anggota Baptis).

Tapi anggo sai inunut pe tong atap na lape manosal ia humbani panlanggaronni, sitimbangan ni Majelis Jemaat ma use in:

  - a. Anggo na dob **“Ihata”** hinan, boi ma itambahi, piga-piga dokah nari panorang bereon ase paubah parlahouni; tapi anggo lalab do homa lang, boi ma **“Ibahen gabe Anggota Siasat”**.
  - b. Anggo na dob **“gabe Anggota Siasat”** hinan, boi ma itambahi piga dokah nari panorang bereon ase paubah parlahouni; tapi ango lalab do homa lang, boi do gabe **“Ipadarat hun Kuria”**.
6. Bereon do panorang bani na laho pinsangon in membela dirinya, aima sanggah Sidang Majelis Jemaat na manrapothon panlanggaron in (Pasal 11). Sadalan hujin, maningon patugahonni Pimpina Majelis Jemaat hubani si panlanggar in, na bereon do bani hak membela diri, ase boi roh ia anggo sihol do a ia mamakei hakni in. Anggo roh do ia, bereon ma bani panorang membela diri dob ipatugah anjaha ipatorang panlanggaronni i

loulouan ni Sidang Majelis Jemaat. Anjaha dob salosei ia padashon pembelaan, suruhon ma ia mulak, ase boi torushonon ni Sidang Majelis Jemaat in. Tapi anggo lang roh ia, hape domma tangkas pardasni tugah-tugah hubani, hataonkon ma na lang sihol pakeonni hak membela diri.

7. Anggo iputushon Majelis Jemaat sipahonaon ma paminsangion **“ihata”** (*Ditegur*), sipatugahon ma haputusan in marhitei lisan dan atau tertulis hu bani na hona paminsangion in (Pasal 12 ayat (1)). Lang pala anjaha lang malo tingtinghonon in. Patugahon ma homa use hubani marhitei *lisan dan atau tertulis*, anggo domma iputushon Majelis Jemaat na dob salosei anjaha ipaluah ia humbani paminsangion in.
8. Tapi anggo paminsangion na ipahona aima *“Dijadikan Anggota Siasat”* atap *“Dikucilkan”*, sitingtinghonon ma ai ia parmingguan barang bani warta Jemaat. Bani na maningtinghon ai, maningon sobuton:
  - a. Goran (pakon morgani);
  - b. Alamatni (iananni);
  - c. Paminsangion na ipahona hubani;
  - d. Pardokahni ibagas paminsangion (anggo sedo na *“Dikucilkan”*);
  - e. Panlanggaron na mambahen hona paminsangion ia.

Sonon ma usihanni sanggah maningtinghon:

***Paminsangion:***

*Ia si \_\_\_\_\_ (goran pakon morgani), na marianan i \_\_\_\_\_ (alamatni/iananni), gabe Anggota Siasat ma lobei \_\_\_\_\_ (dokahni) bulan on, halani \_\_\_\_\_ (goranni panlanggaronni ai).*

Tapi anggo na *“Dikkucilkan”* do paminsangionni, tarsonon ma ibahen maningtinghon:

Paminsangion:

*Ia si \_\_\_\_\_ (goran pakon morgani), na marianan i \_\_\_\_\_ (alamatni/iananni), idarat ni Kuria ma lobei halani \_\_\_\_\_ (goran panlanggaronni).*

Sitingtinghonon ma use anggo domma iputushon Majelis Jemaat na ipaluah ia humbani paminsangionni in. Sonon ma usihanni sanggah maningtinghon ai:

***Mulak gabe Anggota (Sidi/Baptis):***

*Ia si \_\_\_\_\_ (goran pakon morgani), marianan i \_\_\_\_\_ (alamatni/iananni), Anggota Siasat hinan, domma mulak use gabe Anggota \_\_\_\_\_ (Sidi/Baptis).*

Sonai ma homa na sompat *“Idarat ni Kuria”* na dob ijalo mulak use gabe *“Anggota Siasat”*, sitingtinghonon ma homa:

**Mulak hu Kuria:**

Ia si \_\_\_\_\_ (goran pakon morgani), marianan i \_\_\_\_\_ (alamat/iananni), na dob idarat ni Kuria hinan, domma najalo mulak hu Kuria gabe Anggota Siasat.

Anjaha, dob iputushon homa use na dob maluah ia humbani pamingsangion in, sitingtinghonon ma ai:

**Mulak gabe Anggota Sidi:**

Ia si \_\_\_\_\_ (goran pakon morgani), marianan i \_\_\_\_\_ (alamatni/iananni), na dob mulak gabe Anggota Siasat, domma najalo mulak gabe Anggota Sidi.

9. Sanggah na ibahen Ruhut Pamingsangon on, tangkas do nabotoh, lang tarbahen tulimat aturhonon pandalanahonon bani Ruhut Pamingsangon on. Halani ai ma mambahen itontuhon bani Pasal 21: *“Hal-hal yang belum diatur dalam Ruhut Pamingsangon ini sepanjang mengenai pelaksanaannya ditetapkan oleh Sidang Majelis Jemaat yang bersangkutan dan berlaku setelah mendapat persetujuan dari Pendeta Resort yang bersangkutan”*. Deba humbani na iondoshon hubani Majelis Jemaat manontuhon, aima pasal piga dokah ibagas pamingsangion, sonai pasal aha hawajiban-hawajiban pakon syarat-syarat na maningon sidalananni/sigokanni sadokah pamingsangion in. Dihut ma ijin atap na maningon palobei marguru do ia piga-piga dokah on, atap na sungkup ma pitah ipatuduh haringgasonni roh hu parmingguan atap pe partumpuan-partumpuan.

**PANGUJUNGINI**

Marhitei n dob dong Petunjuk Pelaksanaan on, mintor boi ma pungkahon padalanhon Ruhut Pamingsangon on itongah-tongahni Jemaat, mamungkah humbani tanggal 1 Januari 1995. Dear ma homa ase isahapkon pasal in bani Sidang-sidang i Jemaat pakon Resort.

Bani na padalanhon Ruhut Pamingsangon on, sai Tuhanta ma mambere uhur pakon habotohon hubanta rombongan bani horja parmahanion na ondos banta.

Pematang Siantar, 1 Desember 1994

Pimpinan Pusat GKPS

Ephorus

Sekretaris Jenderal

**Pdt. Jas Damanik, S. Th**

**Pdt. A. Munthe, M. Th**